

## Podignuta optužnica protiv trojice bivših pripadnika Armije RBiH POBILI SRPSKE ZAROBLJENIKE?

Tužilac Posebnog odjela za ratne zločine Tužilaštva BiH jučer je podigao optužnicu protiv trojice bivših pripadnika Armije RBiH Izeta Arifovića Čize iz Bratunca, te Suada Smajlovića Šošona i Amira Salihovića Arkana iz Srebrenice. Sva trojica se terete da su kao pripadnici snaga ARBiH na području Srebrenice postupali protivno odredbama međunarodnog humanitarnog prava i Ženevskih konvencija o zaštiti civilnih osoba za vrijeme rata, te počinili ratne zločine.

### Predato oružje

Kako je navedeno u optužnici, 12. jula 1992. prilikom napada na selo Zalazje, skupina od osam civila srpske nacionalnosti koji su se prethodno predali, sa zavezanim rukama, zajedno sa četiri mrtva tijela, dovezena je na karoseriji kamiona do Policijske stanice u Srebrenici. Tu je optuženi Arifović, pucanjem iz vatrenog oružja iz neposredne blizine, usmrtio jednog civila.

Nakon dolaska kamiona, Arifović je iz Policijske stanice izveo dva civila srpske nacionalnosti, poslije



Optužnica obuhvaća zločin u selu Zalazje

čega je uzeo automatsku pušku i ubio ih pucnjima iz neposredne blizine. Nakon što su njihova tijela natovarena na kamion, Suad Smajlović je, primijetivši da jedna od žrtava daje znakove života, pucao rafalom, te su na taj način usmrtili dvojicu zarobljenika.

Potom je optuženi Amir Salihović odveo preostale zarobljenike u kamionu u nepoznatom pravcu i od tada oni više nisu viđeni živi. Nakon rata posmrtni ostaci nekih od žrtava pronađeni su i ekshumirani, a za ostalim posmrtnim ostacima se još traga.

Pored zločina u Zalazju, Arifović

se tereti i da je 21. juna 1992. u mjestu Ratkovići ubio civila srpske nacionalnosti Živana Prodanovića. Prema optužnici, Prodanović je ranije već predao oružje i sjedio svezanih ruku, nakon čega mu je Arifović prišao, naredio da ustane i usmrtio ga pucanjem iz vatrenog oružja. Među zarobljenim civilima srpske nacionalnosti nalazili su se Branko Simić, Petko Simić, Miodrag Rakić, Miladin Tubić, Ivan Cvjetinović, Nedeljko Gligić, Marko Jeremić, Ljubiša Gligorić i Dragomir Vujadinović.

Sva trojica optuženih se terete da

su počinila ratni zločin protiv civilnog stanovništva, a uhapšeni su prekjučer u akciji SIPA, provedenoj na području Tuzle. Postupajući tužilac je od Suda BiH zatražio i određivanje mjera zabrane za osuđeničene, koje će uključivati i zabranu napuštanja mjesta boravišta i sastajanja sa svjedocima i osuđeničenicima, te periodično javljanje

u nadležnu policijsku ustanovu.

### Nastavak torture

Podsjećamo, ova trojica se terete za činjenje ratnog zločina u periodu za koji su ranije već optuženi ratni komandant srebreničke regije Naser Orić i Sabahudin Muhić, koji se terete da su od maja do decembra 1992. u mjestima Zala-

zje, Lolići i Kunjerac ubili troje zarobljenika srpske nacionalnosti. Boračka udruženja TK-a i udruženja srebreničkih majki osudili su hapšenja i poručili da je ovo nastavak torture nad Bošnjacima, te pritisak na bivše pripadnike ARBiH koji treba rezultirati iznudivanjem svjedočenja koja bi mogla nauditi Oriću. **M. A.**